



Il mas-chalch da Sent

Publicaziuns officialas. Cumpara seguond bsögn.
2001/2002
no. 25

7554 Sent, 15 october 2002 /rz

Comunicaziun a regard las tschernas pel trienni 2003/2005

Las tschernas cumünalas dal prossem **trienni** (tenor artichel 8 da la constituziun) varan lö circa la mità da november. Il Cussagl da quattras cuntschaint chenünas persunas uossa in carica chi candideschan eir quista jada.

Seguaintas persunas sun prontas da candidar pel prossem trienni:

Capo cumünal:	Jon Carl Rauch
Cussagl cumünal: (6 candidats) I vain elet cumplessiv, e's constituischa svessa).	Maria Sedlacek-Luppi, Albert Mayer, Andri Guler, Reto Buchli, Johann Tschalär (fin qua suppleant),
Cumischiun sindicatoria: (3 candidats)	Giorg Schudel, Duri Valentin-Duschèn (fin qua suppleant),
Cussagl da scoula: (4 candidats)	Corina Caviezel-Stupan, Roger Wohlgemuth (fin qua suppleant),

Il Cussagl giävüscha a la populaziun da ponderar amo otras candidaturas. Propostas as poja annunzchar a partir da subit sün büro cumünal!

Il Cussagl cumünal

Constituziun cumünala

Illa sezzüda dals 17 settember 2002 ha la Regenza fat bun la revisiun parciala da la constituziun cumünala, la quala es gnüda approvada da la radunanza cumünala dals 16 avuost 2002. A partir da subit as poja retrar la constituziun revissa d'urant las uras da fanestrigl.

Il Cussagl cumünal

Tscherchè società per far l'ustaria

Che società vess interess da far l'ustaria in connex cul giubileum da 100 ons da la Società d'allevamaint da muvel brün chi ha lö in sonda als 26 avrigl 2003 in chasa da scoula? Annunzchas piglia gugent incunter Martin Etter tel. 081/866 37 15 o Arno Ritz tel. 081/864 05 42.

Società d'allevamaint da muvel brün

Palperi vegl

In **mardi, als 29 october 2002** a partir da las 08.00 ramassaina palperi vegl.

Attenziun! Tenor las directivas da la Pro Engiadina Bassa pudaina ramassar be plü palperi lià **in faschs cun cordas chi tegnan.** (Sachs e tas-chas da plastic e da palperi sco eir chartun nu sun admiss).

La scoula

3 november 2002 di da la schoppa

11.00 Predgia

12.00 Giantar in chasa cumünala – a favur dal proget YLBER. Duonna Margeritha Büchel, inizianta dal proget, quinta da sia lavur e da sias experienzas i'l Kosovo cun umans da differentas naziuns e culturas.

Amiaivelmaing invidan ils preparands e confirmands

Quadra 2002

La maestranza da la quadra ha lö in Chasa Veglia als 9 november 2002 e cumainza a las 13.30. Annunzchar as poja sülla glista in ustaria o pro Domenic Bass tel.: 081/864 97 62 o 079/480 83 26. Ils organisaturs speran sün üna numerusa partecipaziun.

Il comitè

Decleranza da renunzcha SVR

Persunas dependentas ed independentas chi retiran dal Cumün da Sent üna paga da fin fr. 2'000.—l'on nu sun, tenor art. 5/5 da la ledscha da la SVR e tenor art. 8bis da la DSVR, obliadas da far giò quint cun la chascha da cumpensaziun per la Sgüranza da vegls e relaschats.

Chi chi vuol far adöver da quista renunzcha, po retrar tala i'l büro cumünal pro sar Roland Defilla fin il plü tard avant chi vain dat giò il rapport da las uras. Spiegaziuns plü detagliadas as survain eir per telefon: 081/861 20 63.

Per quel/quella chi nun inoltrescha la decleranza fin il plü tard ils **30 november 2002**, vain tratta giò la part per la Sgüranza da vegls e relaschats.

Chascha cumünala

Tscherchè da tour a fit

No, ün matematicher ed üna magistra, tscherchain per subit o tenor cunvegna ün'abitaziun o chasa da 2 – 4 stanzas per tour a fit per tuot an. Predsch al mais fin fr. 1'000.--, üert o balcun giavüschà. Annunzchas piglia gugent incunter tel.: 01/361 81 40, Mobile: 079/240 56 13 o mailto: romanmita@dplanet.ch.

Tscherchè da tour a fit

ün'abitaziun o chasa da 5 stanzas a partir da primavaira o stà 2003. Persuna da contact: Dna. Brigitta Balmer, tel.: 081 / 860 33 29.

Giantar cumünaivel

Mardi, als 12 november 2003 a las 12.00 in chasa veglia. Predsch favuraivel. Annunzchas piglia incunter dna. Erica Clalüna, **fin 3 dis avant il giantar**, tel. 864 07 59. Tuot chi es bainvis.

La Pravenda

Illa sumbriva da la baselgia

Ideals, valuors, normas e lur fuormas. E – lur sumbriva! Chi büttan sün tschel pol da la vita chi resta lura svalütà o ignorà. Trais sairadas chi tscherchan da sdrugliar vita our da quella sumbriva per tilla integrar daplü illa vita da mincha di.

Ils lündeschdis dals 4 / 11 / 18 november da las 20.00 – 22.00 illa baselgia da Sent.

Infuormaziuns pro sar rav. Jörg Büchel, Sent, tel.: 081/864 87 28.

La Baselgia evangelica grischuna